


այդին որ 'ի փարբի է 'ի վանացս 'ի հիւրատունս եւ նոքա հատուց ինձ պատարագ 'ի տարին աւր . . .

կամաւն այ ես քոթիթ ճոնս եւ կենակից իմ շահամամս տուաք զուրի դանկն իւր հողովն եւ ջրովն ոնց բնական լեալ է 'ի նք յովաննէս եւ ե . . . շինած տներս 'ի նք յովաննէս եւ սպասաւորք սորա հատուցին մեզ 'ի տարին զ պատարագ մին ինձ քոթիթին ք շահամամին մին վարդանա ք սար էթէ ոք 'ի մերոց կամ յաւտարաց զգիրս մեր խափանէ ելցէ 'ի կենացն այ կատարիչքն աւրհնին 'ի քէ .

Ես իգնատիոս որդի աքեղին եւ կենակից իմ մամեր տուաք զմեր հայրենիք կէս դանկն 'ի մարաց մարգի 'ի նք յովաննէս եւ սոքա ետուն մեզ պատարագ 'ի տարին ք աւր . ն . ինձ Լ . ն . մամերոյն Թէ 'ի մերոց կամ այլ ոք զգիրս մեր խափանէ նզովի յայ . *

Ի ՅԱՐՈՒԹԻՒՆ ՏԵԱՌՆ



Յարեաւ . զիմրդ ի մահուանէն
Ի բաց աւար իւր կապտեցաւ .
Ո՛րպէս յաղթեաց նա դրանց նըսեմ .
Ի՛բր ել այսրէն ազատ անցաւ ,
Այն որ ընդ բռամբ եկաց այլում .
Ես ի յանուն նորին երդնում
Որ զնա կանգնեացն ի մահուանէ :
Յարեաւ . արդ գլուխ իւր սրբբանուէր
Ի վարչամակն այլ ոչ հանգչի .
Յարեաւ . ի կողմն անդ աւրնթեր .
Գերեզմանին մենաւորի
Կայ կափարիչն թաւալեալ .

* Զայլ յարձանագրաց գտցեն սիրողք յառանձինն տպագրութեան մատենիս, զի ոչ կամեցաք աստանօր ծանրանալ օրագրիս :

Իբր որ հրգօր հըսկայ արբեալ
Տէրըն զարթեալ ի նիրհմանէ :

Որպէս ի կէս ճանապարհին ,
Յանտառ մայրեացն՝ ընդոստ ի քնոյն
Ուշաբերեալ անցաւորին ,
Յընցեալ թափէ առ ի գըլխոյն
Ըզգօսացեալ տերեւ խամուր ,
Որոյ թողեալ զոստ իւր թափուր ,
Յամր յամր յուշիկ եկաց անդէն .

Սապէս զանշարժ վէմն ահագին
Որ կայր զփորեալ տապանաւ մած ,
Մերժեաց բազուկ քաջազօրին ,
Յորժամ հոգին յանդրէն իւր դարձ
Ի նսեմ հովտէն դըժուարավայր ,
Աստուածայնոյն՝ որ լըռեալ կայր ,
Արի՛ , ասէր , ես ընդ քեզ եմ :

Ո՛ր այն բարբառ սըփռեալ տարած
Ընդ հանգուցեալն , որ յիսրայէլ .
Տէր ըզդըրունան ահա եբաց .
Տէր եւ աստուածն Խմմանուէլ :
Որ նըստէլքդ ի խաւարի ,
Ոչ եւս իցէք այլ վտարանդի .
Ինքն ահա ձեզ կենագործող :

Քան զինքն յառաջ ի կայս տեւողս
Ո՛վ ամբարձաւ որ անդր ի վեր :
Ի կոչել զձեզ՝ ի լուռ դըժոխս ,
Ո՛ նախահարքդ , էջ վայրաբեր .
Ի հին անդ դարսըն ցանկալին ,
Եւ թըշնամոյն սարսափելին
Եւ խոստացեալն առ մեզ յաղթող :

Ջարմանահրաշ տեսանողաց ,
Որ զհանդերձեալսըն պատմեցին ,
Իբր հայր իւրոց մտադիր որդեաց
Պատմէ զեղեալն որ վաղ անցին ,
Յուցաւ արփին այն գերանճառ ,
Որ ի նոցուն խօսեալ բարբառ ,
Երդումն յերկիր երդուաւ Աստուած ,

Մինչ եսայի եւ Անգէէ
Հաստատեցին առ ընդհանուրս
Թէ անձկացեալն օր մի գայցէ .
Մինչ ի խորհուրդսն խորասոյզ ,
Զկարգեալ աւուրցն ընթերցաւ շար ,
Եւ զթիւ ամաց դեռ աննրկար
Յիւր Դանիէլ ի միտս յիշեաց :

Այգ ծաւալէր , եւ լալագին
Մագդաղենեանն եւ այլ կանայք
Յողբս ըզմեռեալն աշխարէին ,
Եւ Սիոնի ահա կատարք
Ողջ սարսեցին ահագնադղորդ ,
Եւ պահապանքն նախատորդ
Որպէս մեռեալս անկան յահէն :

Նորանըջան անդ պատանեակ
Վերանըստաւ ի տապանին .
Տեսիլ դիմացն իբրեւ զփայլակ ,
Սպիտակ հանդերձքն որպէս ըզձին .
Տըրտմեցելոյն որ հարցանէր
Պատասխանի տայր քաղցր ի սէր .
Ահա յարեաւ . նա չէ աստէն :

Ի բաց քօղովքն խրթնացեալ
Մանիշակին շուք տըխրերանդ .
Ոսկւոյն մըթար դարձցի ի փայլ .
Օ՛ն քահանայդ , ի ձորձ ճերմակ
Ե՛լ ի պաշտօն մեծ խորհրդոց ,
Զի 'նդ լոյս ջահից լամբարաբոց
Ըզյարուցեալն պատմեսցես :

Ի խորանէն բարբառ լինէր .
Զըւարճացիր , դըշխոյ երկնի .
Խընդա՛ . Աստուածն՝ ում տունն եղեր ,
Զի ըզծածկոյթ մեր ըզգեցցի ,
Ահա յարեաւ , որպէս ասաց .
Լեր մեզ միջնորդ . ըստ պատգամաց՝
Լիցին հայցուածք քո իբր օրէնս :

Եղբա՛ւրք , աւուրս այս սուրբ հանդէս
Լինի քարոզ սոսկ խընդութեան .

Երախանայ է օրս այս մեզ .
Այսօր խայտայ անձն ամենայն .
Չէ մայր որ ոչ յօժարակամ
Ի ճոխ հանդերձսն տօնական
Ըզմանկրտեական ըզգեցուցէ :

Անշուք լիցի փարթամին հաց .
Ի բնաւ ելցեն սեղանոց տուրք .
Եւ զեղչեալ գանձն ի պերճանաց
Խրախճանութեանցն մեծաշուք ,
Գայցէ յորդոր ի հիւլ ցածուն ,
Եւ զադբատին ճաշ սեղանոյն
Բերկրեալ առատ զուարթացուցէ :

Ի բաց դըղորդն եւ ձայն գոչման
Կայթից պարուցըն լըրբենի .
Ոչ այդ հըրճուանք են խընդութեան
Իւ արդարոյն ցընծայ հոգի .

Այլ ի պերճանսն հանդարտ համակ
Եւ երկնային , զերդ նըշանակ
Ուրախութեանն հանդերձելոյ :

Ո՛հ երանի , ոյց գեղապանծ
Արփին աւուրց սըրբոց գայ վառ .
Իսկ զինչ լիցի որ դիմադարձ՝
Տարաւ ընդ խօլ ըզբայլ մոլոր
Ընդ ճանապարհ մահահրաւէր :
Որ հաստատէ ըզյոյսն ի Տէր ,
Ինքն յարիցէ ընդ Աստուծոյ :

ՔԱՐԳՄ. Հ. ՍԱՄ. ԿԱՑՍԵՐԵԱՆ

Ա. ՄԱՆՅՈՆԻ

ՎԵՆԵՏԻԿ Ի ՏՊԱՐԱՆԻ ՍՐԲՈՅՆ ՂԱԶԱՐՈՒ